

Watan Ke Fasane Watan Ki Kahani Lyrics - Vapsi Saajan Ki :

Singer - [Mohammed Aziz](#), [Suresh Wadkar](#)

Lyricist - [Azad Jullundhary](#)

Music - [Anand Shrivastav](#), [Milind Shrivastav](#)

Music Label -

Purab se ek pyara jhoka pawan udakar lai
Aaj achanak dilbar aaya yaad watan ki aai
Watan ke fasane watan ki kahani
Satane lagi hai vo yaade purani vo yaade purani
Watan ke fasane watan ki kahani
Mera ek nanha sa beta tha pyara
Kabhi usako dekha nahi phir dubara
Kisi hadse me vo gum ho gaya tha
Achanak kahi bhid me kho gaya tha
Liye ghumta hu mai usaki nishani
Watan ke fasane watan ki kahani
Tadapti rahi meri biwi bechari
Kai saal karti rahi itazar
Watan chhodkar aisa pardes aaya
Bahut der usako na mai dekh paya
Badal gai budhape me uski jawani
Watan ke fasane watan ki kahani
Mai roti hui apni maan chhod aaya
Mai mamata bhara uska dil tod aaya
Na pardesh ja tu mujhe tokti thi
Vo ro ro ke rasta mera rokti thi
Magar ek bhi usaki maine na mani
Watan ke fasane watan ki kahani
Thi mehbuba meri badi sidhi sadhi
Tha wada karunga usise mai shadi
Bahaut din huwe usaki chithi thi aayi
Likhatha ki mai ho gayi hu parayi
Bhula dene wale teri mahrbani
Watan ke fasane watan ki kahani
Mujhe yaad aati hai gudiyasi bahena
Mahole ki ronak jo gharká tha gahena
Mujhe puchati hai ye suni kalai
Kaho kya watan se koi rakhi hai aayi
Meri aankh me aaj bhar aaya pani
Watan ke fasane watan ki kahani
Ae pyare watan tujhpe kurban jau
Teri sar jamin ko sada sar jukau
Teri khakh se ye but bana hai mera
Bhula du bhala kaise ehesan tera
Dilo pe abhi teri huk marani
Watan ke fasane watan ki kahani
Satane lagi hai vo yaade purani
Vo yaade purani
Watan ke fasane watan ki kahani